



Zum Gäschtwerddaah.

Glick uff! Ehr Herre vun Flasche un Glas
Zu de Sache, die eich hieher fehre.
Ich wünsch eich im eijne Indresse schon, daß
Ehr recht viel dvun brofedeere;
Dann wann mol die Werrd sefriere binn,
Do sinns aah die Gäscht gewehnlich.
Gud geß un gedrunck gebbt gemiedlichen Sinn
Un schtimmd schon vun selwer versehnlich.

De Werrd se schbiele e Handwerk iß,
Wie schließlich uff Erde e jedes
Un je mehⁿ ähner im Vewe erum geschmiß,
Vun dem kann mr sahe: Er verschteht es.
Doch gebbt es manche, denn isses e Gäscht.
Die lernens aah nie im Vewe,
Un annre wirrer sinn ehr beschder Gäscht
Im Gläserschwente un Hewe.

Zu denne sich net meiⁿ Gruß vererrt;
Doch eich gelt meiⁿ Willkumme

Die, ob Hodellee orrer Zasselwerd,
Ehr Handwerk aah ernscht genumme.
Die durch ehr Erscheine bewisse hänn,
Wie selbscht se's for nedig halle:
„Enner for Alle un Alle for Enn“!
So schdehen mer orrer mer falle.

Es hat sich des Handwerk allmählich zur Kunst
Grausgewachs un entwickelt
Un werrds aah durch Schwindel un blooe Dunscht
Verdunkelt oft noch un verschickelt,
E richtiger Werrd wääß immer 's Loob
Un de Ruf vun seim Haus se wahre?
Der wääß, wann die Gäst gut uffgehoob
Dhut er aah net schlecht debei fahre.

In dem Sinn nemm ich meiⁿ Glas aah zur Hand
Un dhu 's aⁿdechtig leere:
„Gott gebb, daß noch manchmol ins Pälzer Land
Eich Luscht un Geschäfte fehre.
Um ähns nor mecht ich eich eweso
Dringend wie herzlich bidde:
Hann ehr e gud Drebbche, lossen 's so
Un dhun käⁿ Wasser dzu schidde.